



Kaalallisut nutsigaaq: Peqqissutsimut Naalakkersuisoqarfik

Allakkiaq

Til Peqqissutsimut Naalakkersuisoqarfik
Uunga

13-01-2025
Suliap normua: 2025 - 1092
All. nr. 24959782

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

"Ukiuni arlalinni ilisimatuussutikkut paasisat tunngavigalugit imigassaq aalakoornartortalik pillugu politikkimut innersuussutit"-nut tusarniaanermut IKTIN-ip akissuteqaataa

Ukiuni arlalinni ilisimatuussutikkut paasisat tunngavigalugit imigassaq aalakoornartortalik pillugu politikkissamut siunnersuutigineqartumut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmiit oqaaseqarsinnaatitaansinnut qujavugut. Akissuteqaaterput inassuteqaat 14-mut taamaallaat tunngavoq. Ilinniartitaanermut Aqutsisoqarfimmiit oqaaseqaatigineqartut Ilinniartitaanermut naalakkersuisoqarfimmiit akissuteqaatiliornermut atorneqarput.

Inassuteqaat 14-mi (Meeqqat atuarfiini aamma inuusuttut ilinniarsiini ataatsimoorfiit imigassamik aalakoornartortalimmik ilaqanngitsut) kommunini tamani atuarfinni 5. klassemiit aallartittumik angajoqqaat isumaqatigiissuteqarfigineqartassasut inassutigineqarpoq. Imigassamut, tupamut aanngajaarniutinullu allannut tunngatillugu atuarnep nalaani pinaveersaarneqarnissaanut tunngasumik angajoqqaat ataatsimoorussamik qitornaminnut ikorfartuutissanik immikkut ittumik isumaqatigiissuteqarfigineqartassapput.

Oqaasertaliunneqartoq "... atuarfimiinnerminni" ima "... atuartuunerminni"-mut allanngortinneqarnissaa (immikkoortup kingullerpaap pingajua qupperneq 24) Ilinniartitaanermut Aqutsisoqarfimmiit siunnersuutigineqarpoq. Taamaalluni sunngiffimmi atuarnemilu atuutinneqartoq ersarinnerulissaaq. Tassunga tunngatillugu Ilinniartitaanermik Aqutsisoqarfimmiit nangillugu oqaatigineqarpoq, imigassamut, tupamut aanngajaarniutinullu allanut tunngatillugu angajoqqaat akornanni isumaqatigiissuteqartarneq meeqqat atuarfianni inatsisini ilaatinneqanngimmat, taamaammallu atuarfinnut kommuninullu tamanna innersuussutaaginnarsinnaavoq. Angajoqqaat akornanni isumaqatigiissuteqartarnissaq pinngitsoornani pisussatut atuutinneqarniarpat meeqqat atuarfianni inatsisit allanngortinneqartariaqarmata. Meeqqat atuarfianni inuttut ineriikkartornermi uummassusilerinermilu ilisimasassatut pisinnaasassatullu anguniagassani peqqissumik inuuneq taamatullu aanngajaarniutit sunniutigisartagai pillugit suliaqartoqartarnissaanut innersuussutaammata ilisimatitsissutigineqassaaq.

Inassuteqaat 14-mut ilanngunneqarsinnaavoq "inuusuttut ilinniarfianni imigassamik aalakoornartortalimmik atuinnginnissamut siuarsaatinik politikkeqassaaq, atuartut toqqissisimasumik peqqinnartumillu sinaakkuteqarsinnaaqqullugit atuutilersinneqariartussaaq." Inuusuttut ilinniarfianni imigassamut inatsit atuuttut malinneqareermata maluginiaqquneqarpoq, atuartullu peqqissumik akisussaassuseqarpalaartumillu avatangiiseqaqqullugit politikkinik suliniutinillu atulersitsisoqarnikummat, politikkinut suliniutinullu ineriartortinneqartunut atuutilersinneqartunullu atuartut pigiliutsinneqarnissaat qulakkeerniarlugu atuartunik peqataatitsinissaq pingaartinneqarpoq. Inassuteqaat 14-mi siunertariniarneqartut, Inuusuttut ilinniarfiisa periusaat atuutereersoq , tak. § 37 apeqqut 231/24-meersumi ingerlanneqartareersoq oqaatigineqarsinnaavoq.

Tamatuma saniatigut allanik oqaasertaliisoqanngilaq.

Inussiarnersumik Inuulluaqqusillunga
Med venlig hilsen

Lilian Helberg